

閩

詩

錄

閩詩錄丁集目錄

卷一

施宜生

閩詩錄丁集卷一

侯官陳衍補輯

閩縣曾念聖校訂

施宜生

宜生字明望浦城人宣和末爲潁州教官仕  
齊仕金官至翰林學士自號三住老人有集  
行於世

中州集云賦柳云朱門處處臨官道流水年  
年遶禁宮草書云臨池翁忽雲霧集舞劍浩  
蕩波濤翻山谷草書云行所當行止當止錯  
亂中間有條理意溢毫搖手不知心自書空  
不書紙社日云澗澗迴湍激青煙弄晚暉綠  
隨春酒熟分與故山違社鼓喧林莽孤城隱

翠微山花羞未發燕子喜先歸又云割少諛  
諧語分均宰制功靈祇依古樹醉叟泥村童  
萬里開耕稼三時順雨風行春從此樂著意  
酒杯中初在潁州日從趙德麟游頗得蘇門  
沾丐云

金史云宜生爲宋潁州教授以罪北走海陵  
召爲翰林直學士遷翰林侍講學士爲宋正  
旦使宜生自以得罪北走恥見宋人力辭不  
許宋命張燾館之都亭因間以首丘諷之宜  
生顧其介不在旁爲廋語口今日北風甚勁  
又取几間筆扣之曰筆來筆來於是宋始傲  
其副使耶律闢離刺使還以聞坐是烹死先  
是宜生困於場屋遇僧善風鑑謂之曰子面  
有權骨可公可卿而視子身之毛皆逆上且  
覆腕必有以合乎此而後可貴也宜生問其  
言大喜竟從范汝爲於建劍己而汝爲敗變  
服爲傭傭秦之吳翁家三年翁異之一日屏  
人詰其姓名宜生曰我傭傭事唯謹主人乃  
亦寘疑耶翁固詰之則請其故翁曰日者燕  
密執事咸餽而汝獨遜諸儕且撤器有歎聲

是以識汝非真備也宜生遂告之故翁璽之

金夜濟淮以歸試一日獲熊三十六賦擢第

一其後竟如僧言

貴耳集云施宜生改名方人也入大金曾爲

奉使來館伴因語三十六熊賦云雲屯八百

萬騎以入百萬騎對三十六熊何其鮮哉宜

生語塞大抵南北二使皆不深書司射所載

熊卽侯也非獸也

癸辛雜識云汴梁普賢祠記石碑甚雅金皇

統四年四月一日奉議大夫行臺吏部郎中

飛騎尉施宜生撰并書所謂方人也者後爲

金相宇步驟東坡

金詩紀事云案遼史與宗重熙五年九月癸

巳獵黃花山獲熊三十六冬十月壬子御元

和殿以日射三十六熊賦試進士於廷則此

賦乃遼時舊題海陵朝適有此相同之事故

卽用以試士耳

柳

魏王堤暗雨垂垂還似春殘欲別時傳語西風且停  
待黛殘黃淺不禁吹

無題

唱得新翻穩貼腔阿誰能得肯雙雙天寧寺裏尊前  
月分擘清寒入小窗

盆池

盆池漱澀蔭芭蕉點水圓荷未出條分得江湖好風  
景斷雲飛去晚蕭蕭

平陽書事

春寒窸窸透春衣沿路看花緩轡歸穿過水雲深密

處馬前蝴蝶作團飛

以上中洲集

題都亭驛

江梅的皜未全開老倦無心上將臺人在江南望江北斷鴻聲裏送潮來

晦庵詩話云龍泉尉施慶之常舉宜生十數  
內入使時題都亭驛云云  
案此詩見晦庵詩話又見耆舊續聞題係題  
將臺而首句江梅的皜作梅花摘索末句作  
征鴻時送客愁來

闕題

久坐鄉關夢已迷歸來投宿舊沙谿一天風雨龍移穴半夜林巒鳥擇棲賣菜無人求好語種瓜何地不

成哇男兒未老中原在寄語鷓鴣雞莫浪啼

嚴子陵釣臺

懸崖斷壑少人蹤只合先生卧此中漢業已無一杯  
土釣臺今日幾秋風

又

同學劉郎已冕旒未應換與此羊裘子雲到老不曉  
事不信人間有許由

黃州弔東坡

文星落處天應泣此老已知吾道窮事業漫誇生仲  
達功名猶忌死姚崇



題平沙落雁

江南江北八九月葭蘆伐盡洲渚濶欲下未下風悠悠  
揚影落寒潭三兩行天涯是處有菰米如何偏愛來  
瀟湘

案全金詩闕首兩句而餘亦小異

感春詩

感事傷懷誰得知故園閒日自暉暉江南地暖先花  
發塞北天寒遲雁歸夢裏江河依舊是眼前阡陌似  
疑非無愁只有雙蝴蝶解趁殘紅作陣飛

錢王戰臺

層層樓閣捧昭回元是錢王舊戰臺山色不隨興廢  
去水聲長逐古今來年光似月生還沒世事如花落  
又開多少英雄無處問夕陽行客自徘徊

題壁

君子雖窮道不窮人生自古有飄蓬文章筆下千堆  
錦志氣胸中萬丈虹大抵養龍須是海算來棲鳳莫  
非桐山東宰相山西將莫把前功論後功

耆舊續聞云施逵字必達少負其才有詩名  
建炎間擢上第爲潁州教官秩滿而歸時范  
汝爲爲寇據建城執逵而脅之令書旗幟遂  
陷賊黨朝廷命韓世忠討之城破乃捕逵付  
軍帳至臨安府獄編紱湖外離家之日度此  
去必無生還乃囑其妻令改適其妻悲泣

奩具所有以給行囊及出獄賂防送卒使緩  
行買一獲自隨所至宿舍縱其通淫行至中  
途村舍一夕多市酒肉令恣飲中夜酣卧手  
刃二卒及婢乃變衣易姓名竄於淮甸滁黃  
間後朝廷捕之甚急遠乃爲僧行入邊界山  
寺中主僧疑其必非凡人一日以事役其徒  
眾使出獨遠在呼而問曰朝廷嚴賞捕亡命  
之人若是汝可以實告我爲汝尋一生路脫  
去遠感泣下拜悉露情愴僧作一書並白金  
數兩贈之云可速入彼界尋某寺僧某披之  
遠拜謝而去遂至某寺暇日買北庭舉業習  
之易名宜生舉進士廷試天子日射三十六  
熊賦云聖天子內敷文德外揚武功雲屯一  
百萬騎日射三十六熊遂冠榜首仕金國爲  
中書舍人入翰苑紹興庚辰逆亮謀犯淮先  
遣遠爲賀正使憑狐倨慢朝廷以張燾爲常  
伴使每以首邱桑梓之語動之意氣自若臨  
歧顧張曰北風甚勁張因奏早爲備遠小時  
嘗有詩云云又嚴子陵釣臺詩云云至黃州  
弔東坡詩云云至一寺中爲僧題屏風入景

其平沙落雁云云此詩已有異志又感春詩云云又感錢王戰臺詩云云此詩是出塞作又題將臺詩云云此詩奉使本朝時作又題壁云云遠嘗卜葬地卜者曰若近裏葬三紀後可出侍從子孫綿遠近前一紀窮困後方顯達但不歸家鄉遠日子孫富貴何預於我卽從前葬韓蕲王之孫枝嘗語余云後見趙左史再可云靖康之難有族人陷於北境葉倅者建甯人仕於南京亦留金國遠爲其子葉寮執伐娶趙後和好旣成金還河南地於是陷金者皆得歸江南寮今爲雜賣場監官亦能言宜生之事遠祖墳今在邵武建甯縣村村土人猶能言其事墓尙存

贈道人

休論道骨與仙風自許平生義與忠千古已嘗窺治亂一身何足計窮通仰天只覺心如鐵覽鏡猶欣髮

未蓬塵世紛紛千百輩只君雙眼識英雄

夷堅志云邵武吳郭說其父頃當三舍時居軍學與郡士吳淑黃鑄施遠同舍有道人者不知所從來雅擅人倫風鑿之譽四士共延致於齋閣見施遠曰異哉君之相法也今未可宣言俟翌日無人時當來訪我如約而往則座上客滿矣次日復然第三日天未明過之道人執燭辨視徐問曰君有父母妻子乎曰赤立一身耳又問有叔伯兄弟宗族乎曰只有一叔在道人曰君面有反相鬚眉皆逆生他時決背畔不終臣節遠大笑口占一詩贈之云云味其詞意崢嶸不律帖頗似張元所賦後卒降金躋顯秩

含笑花

百步清香透玉肌滿堂皓齒轉明眉  
寒帷跛客相迎

處射雉春風得意時

詩藪云楊用修詩話載施宜生含笑花詩云  
云讀者多不知宜生何人案程史宜生福州  
人少遊鄉校不利有僧鑑其相當大貴然毛  
皆逆生法必合此乃驗因從范汝爲敗入金  
金主亮校獵國中一日獲熊三十六宜生獻  
賦有雲屯八百萬騎日射三十六熊之語亮  
大喜擢第一驟拔至禮部尙書來使宋漏亮  
南侵策歸而被烹其爲人蹤迹奇甚且於宋  
事有關而史逸之故節錄於左詩亦頗佳

閩詩錄戊集目錄

卷一

連文鳳

劉汝鈞

陳普

趙若

毛直方

劉邊

劉護

郭鄧

曹知白

王載

傅定保

陳帝用

陳以仁

郭道卿

陳道叔

林以辨

鄭杓

洪希文

余樾

楊載

韓信同

雷機

詹景仁

黃清老

林泉生

林以順

陳天錫

卷二

陳旅

鄭稷

王都中

王畛

王畦

陳陽至

陳陽盈

陳陽復

陳陽純

陳陽極

彭炳

劉有定

陳楠老

盧琦

鄭旼

陳駮

楊稷

危德華

張禮

郭完

吳文讓

方炯

方坦

方瀾



方繼祖

朱德善

陳有定

吳海

鄭基

余日強

陳惟正

呂佛生

陳自新

王禔

林世濟

吳炳

王舉

徐疇

陳潤

江輻

黃介翁

陳士奇

陳玖

李古

盧昭

卷三

閩閣

吳氏

徐綵鸞

卷四

道士

王與敬

彭日隆

卷五

釋子

德豐

自如

大圭

廣游

良震

至剛

文靜

卷六

流寓

元淮

黃文德

王翰

卷七

頌歌謠

頌程雪樓

又

又

又

閩詩錄彙集卷一

侯官鄭杰原緝

侯官陳衍補訂

連文鳳

補

文鳳字伯正號應山三山人結杭清吟社

春日田園雜興

老我無心出市朝東風林壑自逍遙一犁好雨秧初種  
幾道寒泉藥旋澆放犢曉登雲外壟聽鶯時立柳邊橋  
池塘見說生新草已許吟魂入夢招

月泉吟社第一名託名羅公福評云眾傑作中求其粹然無疵極整齊而不窘邊幅者此

爲冠

月泉吟社序云浦江吳涓宋時嘗爲義烏令  
元初退食於吳溪延致鄉遺老方韶父與閩  
謝臯羽括吳思齊主於家始作月泉吟社四  
方吟士從之三子者乃爲其評較揭賞云  
又送詩賞小劄序云預於丙戌小春望日以  
春日田園雜興爲題至丁亥正月望日收卷  
月終結局收二千七百三十五卷選中二百  
八十名三月三日揭榜

送詩賞劄云伏以月泉吟社久盟湖海之交  
春日新題曠寫田園之興得周南而正始可  
冀北之空羣執事振響武林舒翹文苑種秧  
澆藥已朝市之無心放犢聽鶯更池塘之入  
夢杼機自別冠冕爲宜某心所甚欣手之不  
釋詩成奪錦誦珠玉者翁然禮以爲羅愧瓊  
瑤則多矣餘如元穎並致篋筐  
回送詩賞劄云讀淵明詩久識田園之趣從  
夫子學願爲農圃之民未敢望其下風胡遽  
延之上座執事雅懷月霽清思泉寒某羨珠  
玉之在側忝糠粃之播前舊擬秋聲曾占桐

江之風景新題春日又分婺女之星輝豈好  
爲朱公之變易姓名深恐蹈柳子之召閹取  
怒慙非重寶俾獲與錦囊之榮賜侈香羅復  
喚起青衫之夢受絲毫而皆感與筆墨以忘  
言謹述謝私伏祈鑒在案來往小劄各二十  
餘首錄一首以概其餘

劉汝鈞

補

汝鈞字君鼎號蒙山三山人寓杭

春日田園雜興

年來夢斷百花場安分農桑萬慮降爲喜麥青行暖  
徑因看蠶出倚晴窗草坪閒見烏犍點畚水飛來白  
鷺雙滿飲茅柴拚爛醉踏歌社下自成腔

月泉吟社第十二名託名鄧草徑評云意圓  
語安五六善寫物態用韻尤工

陳普補

普字尙德號懼齋甯德人爲恂齋韓氏門人  
韓出于慶元輔氏蓋考亭的派也宋亡後三  
辟爲本省教授不起大德初建州劉純父聘  
主雲莊書院熊勿軒延講鼇峯有石堂集

元詩選小傳云普生淳熙甲辰鷓鴣百數繞  
屋七歲時坐田間有白鷺飛止有士人語之  
曰汝能賦一詩乎應聲曰我在這邊坐爾在  
那邊歇青天無片雲飛下數點雪士人奇之

壬辰日蝕

憶昔度宗皇帝時十年十三日食之似道最屬湖海  
曲天子宮庭耽樂嬉滿朝翁翁皆婦人禍來照鏡方

畫眉北軍順流日食既兩國正爾爭雄雌興亡豈必  
皆有數百年以來士氣衰文臣髀肉不識馬武士驚  
魄怕見旗

贈清叟行

共君一夜話三生語正投機君又行溪柳效顰添別  
恨岸花和意送離程驚時莫問歸巢燕贈別愁聞求  
友鶯今夜夢中重聚首雞聲茅店已三更

邵武泰甯途間一路海棠

萬騎連接出襄國

趙石虎都襄國作  
萬花騎出入隨從

諸姨撩亂上驢

山

唐明皇同貴妃每年十月幸織  
嶺諸姨別色隨從望之如錦

道人不識紅妝面

何事扶筇過此山

李廣李陵

茂陵無奈太倉陳  
槐里家傳本助秦  
萬落千村荆杞  
滿隴西桃李亦成薪

賈生

落日長沙被鵬驚  
愁來強把死生輕  
洛陽才子多流涕  
太息沾襟過一生

武帝三首

商車不足算緡來  
桑孔咸陽悉茂材  
一撮茂陵無覓處  
建章門戶至今開



幾多愛子出蕭關  
山積胡沙骨未還  
好把望思臺上  
淚隨風北去  
灑陰山

五十餘年四海波  
建元三載盡征和  
中央寸土纔無  
血沃日澆天  
瓠子河

宣帝二首

不將法律作春秋  
安得河南數國囚  
莫道漢家雜王  
霸十分商鞅  
半分周

渭橋夾道上  
瑤卮甲館畫堂開  
禍基甘露三年造  
新室不關飛燕入  
宮時

野步六言

黃犢眠中荒草鷺鷥立處枯荷宦海風濤舟楫故山  
煙雨松蘿

紅葉林風颯颯蒼苔徑雨斑斑人迹石邊流水樵歌  
鳥外青山

自哂

鬪雞走馬醉高陽今日歸來兩鬢霜無限少年心上  
事半簾豆雨語寒蟄

顏杲卿

驪宮歌笑入青雲曾識常山有戰塵忠骨已泐餘髮  
在因人得見夢中身

以上石  
堂集

湘煙錄云此詩蓋指杲卿見夢明皇妻疑髮動之事

趙

若補

若字順之崇安人元初屢辟不就  
有澗邊集

通仙井

石乳沾餘潤雲根石髓流玉甌  
浮動處神入洞天遊

武夷山志

毛直方補

直方字靜可建安人與同邑劉邊近道  
虞韶以成虞廷碩君輔並勤著述  
宋咸淳癸酉以周禮領鄉薦入元授徒  
講學省府上其名得

教授致仕半俸終其身所著有詩學大成詩  
宗羣玉府聊復軒斐稿

擬古二首

高堂列綺席賓御何委蛇粲粲金芙蓉春葩照蛾眉  
檀槽起清籟鐵撥弦鳴雞祇聞筵中曲不聞曲中詞  
蕭蕭青冢魂化作秋雁歸玉關去時淚點點濕朱絲  
豈知哀怨情及此歡笑期彈者錦纏頭聽者金屈卮  
但令今人樂不惜古人悲

野色倏已暝零露沾我裳行役悲險艱仰愧歸鳥翔  
羈愁浩難收壯髮日已蒼遠林煙火微投宿扣村莊

居人畢刈穫笑語井臼旁問客來何疲毋乃仕與商  
所慎在出門奚怨中路長

雜怨二首

種蓮恨不早得藕常苦遲誰知心中事久已各懷思  
花開能夜合草發解宜男對花今有恨見草祇應慚

秋感

宇宙百年身江湖萬里心世情高枕遠詩味閉門深  
白髮銷窮達青山傲古今情知秋亦客何事感秋吟

妾薄命

妾肌如玉顏如花長眉窈窕青山斜深閨學成新婦

禮鏡鸞不與留年華  
昨朝東鄰裁嫁衣  
今朝西鄰催結褵  
自憐孤燈照春夢  
年年風雨梨花時  
不怨父母貧  
不恨蹇修拙  
妾生賦命自坎壈  
底用閑情寫紅葉  
千絲萬絲霜練光  
與誰織作雲錦裳  
千針萬針兩繡徽  
與誰佩服朝明堂  
吁嗟妾薄命  
薄命可奈何  
失時還自羞  
失身羞更多  
妾甯失時無失身  
平生分定月下繩  
但把貞心守貞色  
肯信嬋娟解誤人

以上聊復軒斐稿

劉

邊補

邊字近道建安人所著有自家意思集及讀

史撫言

林泉寺

采芳仍漱潔散策到來遲  
客坐自相語僧禪了不知  
疎風潛入戶暗水細鳴池  
小作石牀夢夢中還覓詩  
句

耕鋤曉雨有餘地應接東風無暇時  
春日田園雜興  
月泉吟社

劉 獲 補

獲字聲之三山人嘗以經學教授錢塘鄜州  
劉汝師魯兄事之歿後門人瞿士弘集其遺  
文師魯爲序金華黃潛跋其後推服甚至

送鄭南仲赴昌化主簿

熙甯言利臣官好面堪唾偉矣鄭介公直聲千古播  
幾葉爲此孫能倡眾莫和湖學四五年氍寒不禁坐  
况投萬山中瘦馬仍縣佐試訝鸞栖林何如蟻旋磨  
傳聞邑父老置酒預相賀此士多續書愛人不可貨  
今年秋風高勿畏茅屋破但慮執法家需君驚貪惰  
白雲繚山腰窗竹累千箇坐念老廣文德尊猶坎軻  
縣庭一分寬百里減寒餓苟無澤物心卿相徒爾大  
版牘焉足稽絃歌故非過起瞻東壁明詎患南箕簸  
時訪隱者廬談餘曲肱卧公田定幾何適半種粳糯

春日郊行書與鄧善之別五首

錄三



在山水非清出山水非濁泉源但無壅滄海端可學  
風急低卷帆潮來直扶柁我舟如我心鷗鳥亦忘我  
東風吹紙薦眾目看不眩出處亦兒嬉善收存一線  
以上聲  
之集

郭

鄧

一作鐘  
補

鄧字德基長樂人初補太學生宋亡居鄉教  
授至元中郡舉遺逸授泉山書院山長遷興  
化路教授卒學者私謚曰純德先生

元詩癸集小傳云世以明經顯號書樹郭家  
德基素尚高潔酒酣爲文下筆不休每一  
篇出爭相傳寫鄭國史錢曰先生之文流出  
肺腑詩有開元元和風致長短句妙處逼秦

晏程承旨鉅夫亦謂其詩若文和平沈深不  
琢鏤以爲工

鱸魚

請君聽說吳江鱸除卻吳江天下無西風獵獵鳴菰  
浦冷然乘風空太湖舟人漁子紛相呼橫江截以網  
罩鼠四鯁端好充君廚鬣鱗圓細紅粉顱文理勻膩  
白玉膚不腥不澹不太腴吾以鐵石心腸麤磨刀霍  
霍飛凝酥雪花吹去干萼跼橙齏醎辣香模糊盤行  
箸埽傾百觚

蟹

出汾湖者佳  
名紫鬚蟹

請君聽說吳江蟹除卻吳江無處買豈無鬱州與上

海獨許汾湖十分倍筐如負笈行披鎧大者盈斗吁  
可怪爬沙驚倒兒女駭黃金填胸高塊磊十月尖臍  
更精彩玻瓈瑪瑙光璀璨髓香骨脆味瀟灑坐令華  
堂厭烹宰和以糟邱與醅醅醅藉風流無不改介夫

佳傳傳千載

元詩  
癸集

曹知白

補

知白字又元一字貞素別號雲西老人

元詩癸集小傳云其先閩人後徙居溫之許  
峯再遷華亭長谷之西知白身長七尺美鬚  
髯家貴富盛而文采有餘至元甲午詔遣中  
書左丞鑿吳淞江知白以策從行大德戊戌  
庸田使柳公行水復獻寘闕成隄之法大府  
薦授崑山教諭意甚不樂遂辭去隱居著易

善畫山水師馮觀亦似郭河陽嘗築臺以銀粉塗之月夜攜客痛飲名瑤臺一時惟常州倪雲林崑山玉山山人可相伯仲其他貲富而文采不足者不與焉

秋林亭子圖爲月屋先生作

天風起長林萬影弄秋色幽人期不來空亭倚蘿薜

秋水釣舟圖

秋水泊湖魚正肥釣舟還好趁斜暉晚風拂面酒未醒新月流光又上衣

遂生亭與錢南金陸伯翔伯宏邵復孺曹安雅

世長自聞熏師聯句

冰冬鼓天籟極寒抑新陽

曹貞白

凍痕固封圻暝色浮

穹蒼

錢南金

斜暉射屋壁嚴廳襲衣裳

曹世長

氣候亘斯

夕景物惟冰霜

陸伯翔

幽居絕蕭散喬木相低昂

僧自

長林展圖畫疎松奏笙簧

陸伯宏

經時歲云暮撫事心

亦傷

邵復孺

朋來溫重席眾喜累十觴

曹安雅

窗梅弄疎

影盤蠟搖寒光

伯翔

竹爐楮火柏子氤氳香

自豆籩

既無算肴核復屢將

伯宏

野葢雜鶉雉溪腴間鱖鱠

世長

翠罌玉蛆凍犀箸紅肉僵

安雅

偉哉青雲彥會此白石

房

南金

盍簪意已洽得酒氣亦強

伯宏

世道久澆薄古意

殊荒涼

復孺

真情悅親戚嘉會非尋常

貞素

高才貴瑚璉

妙語鏘琳琅

南金

太原與五姓燕山尊十郎

伯翔

阿翁正

嬰鑠我輩俱頽頽

世長

宗族互有託禮貌詎可量

安雅舟

車遠無間雞犬遙相望

自聞

九世同安居百年有餘慶

復

孺兒孫等鱗次兄弟列雁行

貞素

賴有北道阮况得共

被姜

安雅

鳩杖祝勿咽兕觥介無疆

伯翔

晨昏足甘旨歲

時謹烝嘗

安雅

臭味亡薰蕕優劣何秕糠

自問

躬勤樂耕

釣志儉忘膏粱

伯宏

招隱及巖谷濯纓下滄浪

南金

清風

起竹徑朝陽耀梧桐

世長

歌長擊瓦缶與酣據胡牀

貞素

秋花照籬落春草生池塘

復瑞

望重詩禮庭志薄名利

場

南金

學術本鄒魯治化沾虞唐

貞素

百兩重聘國千金

戒垂堂

伯翔

雄觀局四海壯志駛八荒

伯宏

恒鄙貨殖貢

豈羨千祿張

安雅

詞源尙屈宋書法追鍾王

世長

奇材任

攀攀雅量須汪汪

自聞

心胸蘊星斗頭角嶄珪璋

伯宏

黃

麻珍世賞青瓊寶家藏

伯翔

松柏抱貞秀蘭桂含芬芳

世長擬儕谷口鄭弗媿商山黃

復孺

曳裾或混俗衣錦甯

忘鄉

南金

王掾元不癡鄙生乃佯狂

復孺

婉孌談論澗輟

轉理義長

貞素

會合益膠漆契濶毋參商笑論寒稍弛

歡樂夜未央

南金

真性本寥廓幻身且徜徉

自聞

聯詩出

雅頌看劔生光芒

世長

焚膏照無寐淪茗搜枯腸

自聞

人

情笑失馬世利嗟亡羊

伯翔

惟茲一餉樂勝彼終日忙

安雅

所欲論文字初不事酒漿

貞素

耆英固難繼真率或

可方

復孺

坐醉春滿席起舞月在梁

南金

宿氛息廣漠晴

噉炫搏桑

伯宏

分袂重慷慨驅車忝康莊

安雅

猗歟紀宴

集斐然成文章

復孺

以上元詩癸集

王

載

補

載字

建安人官國子博士

送尙書柴莊卿出使安南

金石丹忱動藻旒馬諳舊路壯英遊車無蕙苴廉聲

著贄有包茅職貢修指按地圖朝北闕口傳天詔到

南州此行不待長纓請好繼班生萬里侯

元詩癸集

傅定保

補



定保字季謨號古直晉江人宋咸淳中禮部  
奏賦第四時相沮抑新進未令赴廷試歸益  
力學不仕大德初提舉吳濤薦授漳州路學  
正改三山書院山長三月辭歸授徒養母至  
治中以平江路儒學教授致仕有四書講稿  
及詩文若干卷

四賢祠次韻

四傑唐遺迹千年此妥靈草荒丞相冢雲鎖隱君亭  
助教衣猶綠翰林山尙青因懷水南令愁思遶春汀

泉州府志云四賢祠祀唐姜公輔秦系韓偓  
席相按詩中助教衣猶綠句疑所祀乃歐陽

詹非席相也

翠光亭次韻

墨妙銷沈萬丈光  
人間流落句文香  
青山不管興亡  
事暖翠浮煙竟日長

案泉州府志又有歐陽至四賢祠詩云唐像衣冠古空山筆硯靈老僧新棟宇隱士舊池亭茶竈雲根白書燈鬼火青殘碑蘚花碧小篆雁書汀翠光亭詩云山翠浮林嚙日光落花猶帶佛爐香詩中野興道不盡隔水棹歌聲短長是傳所次即歐陽韻但未詳歐陽是  
否閩人

陳帝用

帝用字愚臣號安素莆田人至元中布衣

乙亥書事二首

案見謝承霖蒲陽編

胡馬披猖迫帝畿時危到此咎誰歸  
要君自詭邊功盛召虜安知國事非  
臣有福威經切戒相無學術史深譏  
中原未得平安報徒使詩人淚暗揮

廊廟經綸策自良草茅憂慮尤長五  
胡雲擾偏安晉十國碁分末造唐  
欲放耕牛歸隴畝須防飢虎臥  
堂皇開基乙亥江南誓留在人心  
想未忘

補

陳以仁

補

以仁字

號復齋三山人

拜西山真文忠公像

仰止西山翁千載祀不絕文章立準繩青史施名節  
世降風俗薄人心多詭譎遺像儼如生再拜懷先哲

元詩

癸集

郭道卿

道卿字景仁莆田人至大中布衣旌表孝子

亂後謁母墓

欲從泉下拜遺音亂草及春零露侵一坏荒山終歲  
土百年負子此生心悲風動樹嗟無死高配望雲凜  
不沈自是儒生多積戾墓前帶甲未全禁

崇見莆風  
清韻集

蘭陔詩話云公與曾祖義重子延棹稱郭氏  
三孝祠在郡城北魏塘雙闕巍然門臨孔道

過者必立馬徘徊而後去其亂後謁墓一詩  
出自至性可以感鬼神而泣風雨

陳紹叔補

紹叔字克甫莆田人學者稱浮邱先生有浮

邱集

案元詩癸集云先世居大浮山之西曰西陳  
後有析居金沙者故紹叔爲金沙人而猶以  
浮邱爲號幼好學弱冠博覽羣書洞達性理  
至老不倦忽一日思其親友遍至其家旣而  
得疾越七日卒年七十一邑人林以順誌其  
墓

鄭家詩

土堆埋玉起愁雲立石栽松灑淚痕敢效大夫題鄭  
冢竟遺一女嫁陳村石田茅屋誰爲主麥飯茶杯外

有孫寄語耕鋤莫相及免教過客見銷魂

莆陽全書

林以辨

以辨原名井以字行更字子泉莆田人皇慶

中布衣

過浮山贈陳克甫

偶一作夜

過浮邱月滿山一樽相對夜

一作坐

漫漫門臨

大海風濤壯家有小天星斗寒玉蛤吠田秧正綠江豚吹浪荔初丹懸知別後相思意著就立言幸寄看

案閩書云陳紹叔字克甫興化人居靈川里

浮山下洞達性理至於河圖雜書太極通書

律歷制度靡不研究有外集百餘卷題曰守

邱集因與學者說璇璣玉衡遂採木像示之

既鑄銅仿古制又別制器象天體虛中而髹  
之上刻周天度數填以鈿羸揭南北二極凡  
天河星宿皆列其中其制度精微名曰小天  
有友人贈詩云云  
蘭陔詩話云子泉湛深經術講學泉山學者  
稱玉井先生其贈陳紹叔一詩莆陽全書逸  
其半作無名子詩今依林氏家譜正之

鄭杓

杓字子經莆田人皇慶中薦授南安教諭

蘭陔詩話云公與陳眾仲劉能靜爲文字交  
所著有春秋解義表義隨古編夾深餘聲樂  
府又有衍極五編衍極載記五篇宣撫使齊  
伯亨嘗採其衍極書上之又爲築衍極堂卽  
今郡城中書倉也

凝春小隱

一窗花氣襲人衣，窗底芳塵煥不飛。坐久研池生石

雨海棠枝上雪都稀。

案潘初叔元詩選作陳眾仲詩今依南湖家乘正之

洪希文

希文字汝質，德章子莆田。人皇慶中以薦授

興化教授，有續軒渠集。

案元詩選小傳云：其父巖，虎號吾圃，與坐菌山中朝脯。孟飯燒芋咬菜，相倡和無愠色。巖虎有集，曰軒渠。希文因自號續軒渠，集郡人林以順謂其詩得意處皆自肺腑流出。至于造語鍊字之法，頗費工夫。

少睡

少睡多宵坐，占星看碧虛。病根常檢點，客氣久消除。



清有焚香癖，因服藥疎眼。前書未讀肘，後看方書

郊行

天亦自多事，一春勞應酬。哺雛衝雨燕，喚婦出林鳩。  
有累俱關抱，無生始斷愁。忽逢林下士，羞默但低頭。

新秋客中

一望澄江欲盡頭，鄉園斷絕使人愁。江山遼邈英雄  
志，河漢微茫天地秋。蛩助吟聲風淅淅，雁傳客信水  
悠悠。眼前有句懷王粲，煙樹重重倦倚樓。

幽居二首

柴門掩斷徑，生苔坐閱東。君幾往迴看，盡牀書無客。

到殘花風送過墻來

投老安閒世味疎  
深深水竹葺幽居  
牀頭昨夜風吹落  
多是經年未報書

以上續軒渠集

余 樾

樾字宏父號履園莆田人皇慶中布衣

囊山松風閣

翠雲不改舊時峯  
笑我重來鬢已翁  
掉臂山林三友共  
論心宇宙幾人同  
酒醒小閣松風溜  
燈暗疎窗竹月籠  
最是三更清夢斷  
一聲鐘裏萬緣空

案見莆風清籟集

楊 載補

載字仲弘浦城人延祐初登進士第官至甯國路總管府推官有仲宏集

范德機序云仲弘天稟曠達氣象宏朗開口論議直視千古每大衆廣集占紙命辭放曠橫放盡意所止取方拘拘已獨坦坦衆方紆餘已獨馳駿馬之長坂而無留行要一代之傑作也

黃文獻集云年幾四十不仕賈戶部國英數言其材能於朝遂以布衣召入擢翰林國史院編修官其文如長風怒帆一瞬千里至於崎岸之縈折舷欹柁側亦未始有所留礙詩法家數云予於詩之一事用工凡二十餘年乃能會諸法而得其一二

暎車志云楊仲宏以下詩文多殺機鬼氣元史本傳云趙孟頫在翰林得載所爲文章推重之由是載之文名隱然動京師其文章以氣爲主博而敏直而不肆嘗語學者曰詩當取材於漢魏而音節則以唐爲宗自其

詩出一洗宋季之陋

宗陽宮望月分韻得聲字

老君臺上涼如水坐看冰輪轉二更大地山河微有影九天風露寂無聲蛟龍並起承金榜鸞鳳雙飛載玉笙不信弱流三萬里此身今夕到蓬瀛

西湖遊覽志云宗陽宮本德壽宮後圃也內有老君臺得月樓杜道堅號南谷當塗人風度清雅嘗以中秋集儒彥登老君臺玩月分韻賦詩楊仲宏爲首唱

紀夢

海上垂綸有幾年平居何事夢朝天蒼龍觀闕東風裏黃道星辰北斗邊治世祇今逢五百前程如此隔

三千楊雄解奏甘泉賦應有聲名達帝前

歸田詩話云蒼龍觀闕東風裏黃道星辰北斗邊日照九衢平似水胡兒吹笛內門前此宋龐右甫過汴京詩也甚感慨有味仲宏作紀夢詩乃全用其一聯何也

寄劉師魯

想君遊宦處正值洞庭湖落日波濤壯晴天島嶼孤  
舟航通漢沔風物覽衡巫天下文章弊非公孰起予

詩法正論云此以興爲承賦爲轉者也

古牆行

建炎白馬渡江時循王以身佩安危疏恩治第壯輿  
衛縮板載餘繇偏裨下鍤江城但沙鹵往夷赤山取

焦土帳前親兵力如虎一日連雲興百堵引錐刺之  
鐵石堅長城在此勢屹然上功幕府分金錢灌聲如  
雷動地傳爾來瞬息踰百年高岸爲谷驚推遷華堂  
寂寞散文礎喬木慘淡棲寒煙我入荒園訪遺古所  
見惟存丈尋許廢壞終嗟麋鹿遊飄零不記商羊舞  
王孫欲言淚如雨爲言王孫毋自苦子孫再世黎門  
戶英公尙及觀房杜如君百不一二數人生富貴當  
自取况有長才文甚武公侯之後必復初好把家聲  
繼其祖

次韻虞彥高遊陽明洞

憶昔神禹奠九州茲山會計功始休諸侯玉帛渺何  
許但見萬水從東流衣冠永閉陽明洞夜聞鬼哭巖  
之幽珠宮貝闕號龍瑞天造地設非人謀槎牙怪樹  
凍不死化作千丈蒼玉虬丹洞呀然仙掌裂翠峰巧  
矣蛾眉修梅梁飛去鐵鎖斷往往雷雨生靈湫軒轅  
緜神極祕怪海上笙鶴時相投平生閉門讀史謳子  
乃探穴先吾遊明當挾子期汗漫題詩更在最上頭  
不妨山水樂吾樂豈有飢渴憂民憂故家喬木尙可  
求有子有孫百世留臥橫玉簫泛歸舟吹散萬斛江

南愁

歸田詩話云長篇如古牆行梅梁歌皆爲時  
所推許夫人瞿氏予祖姑也嘗以仲宏親筆  
草稿數紙授予字畫端謹而前後點竄幾盡  
蓋不苟作如是

題王起宗畫松巖圖

雲起重巖鬱凌亂長松落落樹直幹若人於此結茅  
屋爽氣飄然拂霄漢艤舟之子何逍遙從者僮僕攜  
一瓢山中無日不閑暇跋涉相顧凌風颺始知王宰  
用意高使人觀圖鄙吝消世間未必有此景塗抹變  
幻憑秋毫丹青遊戲固足樂收絕視聽搜冥莫向來  
爲政殊不惡乃爾胷中有丘壑

留別京師



囊衣託載道傍車，人事忽忽歲欲徂。  
風雨四更雞亂叫，關河千里雁相呼。  
蕪菁散漫根猶美，桑柘蕭條葉漸枯。  
卻向一作上高丘重回首，五雲繚一作飛繞帝王都。

遣興

庭樹號蟬日已涼，寒雲橫雁夜何長。  
挾書萬里干明主，仗劍三年別故鄉。  
西北諸山連朔漠，東南眾水隔荆揚。  
淹留不去慚蘇子，莫遣貂裘厭雪霜。

贈同院諸公

詔編國史有程期，正是諸郎儗直時。  
虎士守門宮杏杳，雞人傳箭漏遲遲。  
窗閒夜雨銷銀燭，城上春雲壓

綵旗才大各稱天下選書成當繼古人爲

次韻錢唐懷古

化人宮闕被層阿棟宇高低若湧波翠石文章書日月寶珠光燄燭山河空桑說法黃龍聽貝葉繙經白馬馱誰謂一無超眾有只今塵土重來過

歸田詩話云楊仲宏以宗陽宮玩月詩得名然他作如風雨云云挾書云云窗閒云云空桑云云沈雄典實先叔祖每稱之

莫春遊西湖北山

愁耳偏工著雨聲好懷長恐負山行未辭花事駸駸盛正喜湖光淡淡晴倦憩客猶勤訪寺幽棲吾欲厭

歸城綠疇桑麥盤櫻筍因憶離家恰歲更

春晚喜晴

積雨俄經月新晴始見春蒼苔侵別墅綠水過比鄰  
性僻居宜遠身閑景易親無詩排世累有酒縱天真  
循圃花粘履憑闌柳拂巾歌呼從穉子談笑或嘉賓  
漸喜漁樵狎仍欣鳥雀馴幽晴延薄莫浩思集清晨  
養拙元非病爲文敢自珍杜門緣底事作計懶隨人  
寓長春道院春雨卽事呈鄭尊師二首

南榮相距數尋閒滿地春泥隔往還夜雨暗添籬腳  
水曉雲濃揜樹頭山修篁夾逕宜增植細草浸階莫

設刪世慮紛然無止極敢求大藥駐衰顏  
客遊無賴阻重陰院落蕭條逕術深數畝林塘觀不  
厭一窗風雨坐相侵靈虯尙有蟠泥迹老驥甯無越  
塊心多謝西家賢太守相招樂飲費千金

舟次池陽借通守周南翁燕表姪陳和卿家席  
上贈歌者

故人相見話綢繆三日江干繫客舟高燕未闌明月  
上豔歌初轉彩雲留光搖崖蠟甯知夜字寫邊鴻已  
報秋底事尊前能盡醉爲伊肯展翠眉愁

贈孫思順

天涯相遇兩相知對榻清談玉屑霏芳草漫隨愁共  
長青春不與客同歸薰風池館蛙聲老落日簾櫳燕  
子飛南浦他年重到日湖山應識謝玄暉

此詩風雅作趙子昂

體要作楊仲弘

### 悼鄰妓二首

西子湖邊楊柳花隨風飄泊到天涯青春遇著歸來

燕銜入當年王謝家

此一首體要作揭傒斯誤

一種腰肢分外妍雙眉畫作月娟娟春風吹破襄王

夢行雨行雲若箇邊

二詩鐵崖採入西湖竹枝詞序云其詩做晚橫放盡意所止我

朝詞人能變宋季之陋者稱仲弘爲首而范虞次之

韓信同

補

信同字伯循號古遺甯德人受業石堂先生  
陳普之門延祐四年應鄉舉不合歸著有四  
書標注書經講義三禮易經旁注書解集史  
類纂多不傳

題岳王墓

妖星墜地芒角赤劍龍悲吼風蕭瑟中原王氣挽不  
回將軍一死鴻毛擲秦家小兒真戲劇播弄造化搖  
樞極指讐爲親忠且逆隻手上遮天眼碧九重茫茫  
隔天日無山下燭臣愚直臣愚萬死不足惜國恥未

瀕猶憤激古墳埋冤血空漉風雨年年土花蝕我恐  
精忠埋不得白日英魂土中泣請將衰骨斲出荒苔

痕

一本無出  
荒二字

獻作吾王補天石

筆精云古今題岳王墓者多矣元季韓古遺  
一篇岳集未收差有溫李之詞詩云云

雷

機補

機字子樞建安人薦爲邵武縣學教諭登延  
祐五年進士第官至翰林待制所著有龍津  
稿易齋稿黃鶴磯稿碧玉環稿龍山稿鄞川

稿環中稿

元詩癸集小傳云唐雷萬春之後軀幹魁梧  
方面美髯兒者聳然所至發奸除害燭見毫

髮人皆以雷神稱之

幔亭峯

祖龍當日好仙靈不異曾孫宴幔亭海內蓬萊渠未識漫勞徐福到滄溟

天遊峯

俗鞅塵羈可自由今朝始泛武夷舟登高識得天遊

趣三十六峯雲影秋

元詩  
癸集

詹景仁

補

景仁字天麟崇安人以文學辟二公府掾延

祐間出貳浙東憲幕陞江西撫州路總管



元詩癸集小傳云初景仁在京師與清江杜本伯原友善後本忤時相歸景仁邀入武夷山卽平川之上築萬卷樓日夕廣唱繙閱宇內名流有過閩者皆造廬請益焉

### 焙芳亭

進火有文武盈筐藹紫雲遙知仙種別祗覺異香聞

元詩  
癸集

### 黃清老補

清老字子肅其先固始人諱惟談者徙居邵武五子各治一經人號黃五經清老少治春秋泰定三年浙江鄉舉第一明年登李黼榜進士曹尙書元用馬學士祖常請留館閣授

翰林典籍尋陞應奉翰林文字同知制誥兼  
國史院編修官出爲湖廣行省儒學提舉學  
者稱樵水先生有樵水集春秋經旨四書一

貫行世

張目甯志道序云子肅之於詩天稟卓而涵  
之於靜師授高而益之以超由李氏而入變  
爲一家其自得之髓則必欲蛻出垢氛融去  
渣滓玲瓏瑩徹縹緲飛動如水之月鏡之花  
如羚羊之挂角不可以成象見不可以定迹  
求也

古詩六章送王君冕歸陝西

錄三

麥熟天乍熱開軒理瑤琴茲晨有客至一逕蒼苔深  
日出樹影倒曠坐分綠陰清談落餘花松風雜幽禽

君子希道德永言結同心

園林步春曉芳徑澹已開日出露未晞孤吟池上臺  
虛閣納翠光硯寒欲生苔清坐契心賞白雲時入來  
君子晚相識南山碧崔嵬

西山三月春萬物好顏色鳥啼自宮商花開各紅白  
滔滔東流水千里在頃刻風雨入遠林苔痕有新鐫  
雞鳴潮欲上山月遲歸客

訪子威都事不遇

清曉抱綠綺來就夫君彈夫君久已出野水流花閒  
石澗度微雨秋生湖上山松陰坐永日心與雲俱閒

人事有離合白鷗聊共還

招友人

晨雨洗餘花塵慮日蕭散芳草綠如茵空林坐春晚  
遙思江上客尊酒媿折簡臨流擷嘉蔬共此林下飯

送楊信父歸臨江

自別武夷君海水落幾丈當年尊俎地顛倒疊橫嶂  
君從山中來應見桃花開秦人笑相語媿我非仙才  
茫茫八極中雲月秋徘徊苦吟不出門孤負黃金壘  
劃然西風生拂我琴邊埃願從雙白鶴去去不復回

山行二首

愛山不知倦緩步成幽尋觀泉度疊嶂攜日穿僧林  
睽彼枝上鳥少憇松間陰蕭然清風來發我松下琴  
白雲邀我飲流泉永我吟曾謂塵中人不知君子心  
采采巖下菊菊老花壓地泉露飄我衣擷英不盈袂  
錚然松子落林下遠風至沈吟不成詩支筇領山意

送人之金陵答贈張質夫

林塘殘月曉松露滴清聲此日佳人別空山碧草生  
江湖雙白鳥風雨一啼鶯解纜春花發悠悠萬里情

福山菴

晨光海上來雲氣升萬壑雞鳴落花中殘鐘度城郭

菴僧戴星出我自飯藜藿甯知天地心但有山水樂  
書燈夜搖動霧氣侵几閣開扉得新月欲掩見棲雀  
煙霞暫相違筆硯庶有託但留松間雪付與雙白鶴  
庭柯換故葉林竹脫新箬何日芝草開挈舟赴前約  
友人見訪不遇

君乘白鶴下青雲我入春山聽曉鶯可惜小樓風雨  
過無人收拾萬松聲

以上樵水集

林泉生

補

泉生字清源晚號謙牧齋永福人天厯庚午  
登進士第官至翰林直學士知制誥同修國

史卒謚文敏著有春秋論斷及覺是集

弔岳王墓

岳王墳上褒忠寺地老天荒恨尙存  
介冑何堪投獄吏衣冠無復望  
中原青山能掩萋宏血落日空悲蜀  
帝魂遼鶴不歸人事別吳宮青草又黃昏

誰收將骨葬西湖已卜他年必沼吳  
孤冢有人來下馬六陵無樹可栖鳥  
廟堂短計慚嫠婦宇宙惟公是丈夫  
往事重觀如敗局一龕燈火屬浮屠

輟耕錄云弔岳王墓詩最膾炙人口者如高則誠潘子素林泉生云云

落花怨

落花怨東風情薄不可託紅顏爲君開衰顏爲君落  
願落流水中隨君遠漂泊

贈永陽黃子邵和文丞相韻

贈君以幽藍棄之不如草古來溝壑間將見壯士老  
憂君君不知慷慨爲君歌歌竟欲痛哭言辭不能多  
但願江海水水化作杯酒傾倒入君懷得不一回首

白鶴寺聽琴樓

青山如橫琴雙瀑爲之絃何人作此曲一奏

一作三

千年上有倚天拂雲之喬松下有伏波步月之蒼龍  
松今未凋龍未老人聞此曲何時了我來十月溪水



銷古木萬壑風蕭蕭飛流向我作宮徵使我聽之心  
寂寥臨軒再拜問此水巢由去後誰知己我今賸有  
兩耳塵不敢向此溪中洗山僧煮茗樵父歌吾亦無  
如此水何

題高尙書夜山圖

善畫尙書高彥敬能書學士趙子昂兩翁秋興江海  
動一尺夜山吳越蒼雲松霧塔參差見野水寒沙渺  
漭長山窗撫卷應惆悵卻憶東坡賦雪堂

方廣巖紀遊

上方樓閣倚空明磴路如天鳥亦驚屋頂石巖常欲

墜簷前瀑雨不能晴  
龍湫千古風雷氣  
山殿六時鐘磬聲  
最愛白雲飛不去  
半山飄泊伴人行

寄題大龍湫和李五峯韻

雁蕩峯頭春水生  
無邊木葉作秋聲  
六龍捲海上霄漢  
萬馬嘶風下雪城  
春盡不知陽鳥去  
巖高惟許白雲行  
故人家住青山下  
野竹寒流亦有情

以上覺是集

林以順

以順字子木莆田人與盧琦陳旅林泉生俱以詩名于閩中任浦江縣尹歷官江西儒學提舉

鄭氏義門詩

稽古神聖明德修身首念九族一身之分族不易睦  
睦之以親族不徒敘敘之必惇惇惇親民變俗淳  
比屋可封孰專美名蓋聞其風降自華勛昔之所親  
今爲塗人昔之所惇今反少恩後聖繼作建極敘倫  
汨沒之中善端或明義夫節婦孝子順孫有一于此  
朝上夕旌矧自祖父至于後昆總功以降娣姒異姻  
內外執役千指孔羣同牢共食爰及犬豚堂奧之內  
惇睦風存節義孝順百行具聞義孰大焉宜書其門  
余長浦陽邑有鄭君華其五世八世復新蠲徭之命

自天申之鄭君曰噫曷亦稱之聚骸有土聚穀有困  
將廣此義卹荒惠貧敢日自佚以病鄉鄰吾忍安之  
惟義是遵余謂鄭氏堯舜之民世世勿替用徵斯文

元詩  
癸集

陳天錫補

天錫字載之號晉齋福甯州人任本州學正  
至順初擢建陽尹知福清州致仕與王薦等  
十人爲耆英會所著有鳴琴集王政都中爲  
之序子五人有棣萼詩五卷

偶題

修竹千竿萬卷書  
水明沙淨稱幽居  
春風架上吹殘

簡時復晴窗落蠹魚

鳴琴集